

տիացոց համար գրեր հնարեց, բազմաթիւ դըպ-
րոցներ բացեց և քրիստոնէութեան գործը դրեց
աւելի հաստատ հիմքերի վրայ: Այս վանքը՝ իւր
հնութեամբ առաջինն է համարուում Ուտիացոց
աշխարհում գոյութիւն ունեցող բոլոր վանքերի և
սրբավայրերի շարքում, որ երկամ ժամանակ Ա-
ղուանից աշխարհի կաթողիկոսարանն է եղել:
Վանքի օդն ու ջուրը զով ու շատ առողջարար է,
իսկ տեղն ու դիրքը, իր առատ բուսականու-
թեամբ, Կովկասեան բարձր ու անտառապատ լեռ-
նաշղթաների հովանաւորութեամբ՝ ներկայացնում
է մի ակնապարար տեսարան: Վանքի արեւմտեան
կողմը լեռան կրճքին փռուած է Գիւ Հայոց գիւ-
ղը, որ 18-րդ դարի վերջերում սարսափելի բռու-
նութեամբ մահմեդական դարձած է, որոնց բե-
րանում Գիւ անունը փոխուել և դարձել է Քիշ,
իսկ Եղիշէ առաքեալի անունն էլ Եաղիշ կամ
Եախշի Առաքել: Գիւղի ստորոտից փրփրադէզ և
կատաղի համանուն Գիւ գետն է հոսում բար-
ձրից գէպի ցած, որ գարնանը լեռներում կուտա-
կուած ձիւնի հալուելու պատճառով սկսում է
սաստիկ յորդանալ և իւր ափերից դուրս գալով՝
ահագին վնասներ է հասցնում Նուխու այգիներ-
բին և պարտէզներին:

Բ. ՃԱԼԷԹԻ ՎԱՆՔԸ: Ճալէթ Հայաբնակ գիւ-
ղից վերև մի բարձր լեռնահարթի վրայ շինուած
են ս. Աստուածածնի անունով հին և նոր վան-
քերը, որոնցից առաջինը շինուած է շատ հին
ժամանակներում, իսկ վերջինը 19-րդ դարի կի-
սում: Հին վանքը շինուած է նոյն իսկ ս. Եղիշէ